

Date – 12/03/2025

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Assembly thutkhawma Chief Minister Pu Lalduhoma tawng an helh avangin lungawilohna lantirin vawiin khan Assembly house bulah Congress worker an pungkhawm.
2. MNF National Core Committee member Pu Lalchamlanian Assam Rifles sawn chhuah tur chungchangah Chief Minister in thu dik tawk lo a sawi a ti.
3. CADC-a Village Council inthlanpui vote thlak vawiin khan hriattheih chin ah Vote zaa 74.19 a tla.
4. Prime Minister Narendra Modia leh Mauritius PM Navin Chandra Ramgoolam te vawiin khan an inkawm.

<><><>

MPCC

Mizoram Pradesh Congress Committee chuan Assembly thutkhawma Chief Minister Pu Lalduhoma tawng an helh avangin lungawilohna lantirin vawiin khan Aizawl Treasury Square ah an pungkhawm a, police te nen an innawr naah Congress worker 2 in hliam an tuar.

Punkhawmnaah hian MPCC Gen Secy Pu TT Zothansanga chuan thusawiin, state rorelna sangah Mizoram humhim tu tura an ngaih Chief Minister Pu Lalduhoma'n a member puite zah lova thil a sawi avangin Zoram Rorelna hmun zahawmna a hloh mek a ti a, Chief Minister in a member puite chung a rilru put hmang enin Pu C Ngunlianchunga bakah eptu lam te thlavang hauh tura MPCC member te chu pungkhawm an nih thu sawiin Assembly Session neih mekah Chief Minister Pu Lalduhawma'n zawhna a chhan danah MPCC chu a dam thei lo a, Chief Minister chuan House leh Zoram mipui hnenah ngaihdam dil ngei se a ti. Speaker pawh a thu lak danah a lai tawk loa an ngaih thu a sawi a ni.

Pu TT Zothansanga chuan an punkhawm chhan chu LADC ah Pu V. Zirsanga chungchang zawhna avanga lo piang chhuak niin, Pu V. Zirsanga case dang chungchang zawhna chhang lova a zawttu lam Chief Minister hian a bei let vak maia, parliamentarian chet dan a mawilo a ni a ti.

MPCC Thupuangtu Dr Lallianchunga chuan House chhunga Pu C.Ngunlianchunga zawhna pehhel taka chhan a tumna a House Leader Pu Lalduhoma tawngkam hman dengkhawng tak mai leh, sorkar thachakna

hmachhuana invauna rawngkai a chhakchhuak kha ram chhung leh Commonwealth ram hrang hranga Dan Siamna In (Legislature) ah ‘Unparliamentary Language’ anga ngaih a ni a ti a; ZPM te hian House chhunga awmdan mawi leh dik hre turin Research an lo la ti lo tih a Chiang Hle. Eptu party member te thusawi laia an thutna atanga ZPM MLA ten an lo hnial leh vak thin dan atang hian ZPM te hian Assembly House chhunga awmdan mawi an zir nasat a ngai hle a ni a ti. House Leader, Pu Lalduhoma pawh a patling tawh lo a ti a, Minister te chhan tur zawhna reng rengah lo inrawlh ve vek a tum emaw tih tur a ni a, a Minister te chhanna hi a duhkawp lo hle tihna a ni thei bawh, a ti.

<><><>

AGRI MINISTER

Agriculture Minister Pu PC Vanlalruata'n sawhthing lei tawhna man pek kim a la ni loh thu House a hrilh.

He thu hi vawiina Assembly rorel inkhawma zawhna leh chhanna hunah sawiin, sawhthing an buk tawh engemawzat man chu ni 7 chhungin pek nghal a ni a ti a, hetihrial hian sawhthing collection centre-ah sawhthing buk tawh si, a man la tihfel loh a la awm tih sawiin nakin zelah sorkar a inrawlh loh hunah loneitute hnenah thlai hralhna man a luh nghal theihna turin an inzirtir chho mek a ti a, loneitu bank account la nei remchang lote chu an sawhthing hralhna man society account-ah a lut tih a sawi bawh.

Agriculture Minister chuan Financial Year 2023-2024 kumtawp dawna cheng vbc 110 dah chu hman zawh a la nih loh avangin kumin Financial Year 2024-2025 chhungin thlai thar leina tur pawisa ruahmanna hran siam a ni lo a ti a, sorkar chuan cheng vbc 110 atangin thlai thar lei nan cheng vbc 28 an hmang tawh tih sawiin sorkar chuan aieng tharchhuaktuten a sawngbawltute hnena an hralh theih hun atan kumin January thla atanga May thla inkar a ruahman sak a ti a, aieng hring chu a sawngbawltu hnenah kg khatah cheng 20 a an hralh theihna turin an ruahman tih a sawi bawh.

<><><>

POWER MINISTER

Power & Electricity Minister Pu F. Rodinglana'n tun dinhmunah sorkarin eng chhit man bill ba a nei lova, sorkar hmasa ba zawng zawng pawh an pe tla vek tawh tih a sawi.

He thu hi vawiina Assembly rorel inkhawmah sawiin, Minister chuan eng chhit man bill vbch 200 dawn ba chu an rul vek tawh a ti a, tun dinhmunah leiba an rulh that avanga pawisa hmuh let vbch 2 leh nuai 6 dawn an nei tawh tih House a hrilh a ni. Minister chuan Tuirini Hydel project pawmpuina an hmu tawh tih sawiin an khuap thei a nih chuan Megawatt 24 a nih dawn thu leh cheng vbc 676.79 a ni dawn a ti a, sum chungchangah pawh New Development Bank te nen New Delhi-ah an inhmukhawm tawh tih sawiin sawrkar laipui lam pawhin an phur pui hle a ti a, reiloteah a chhanna phuisui zawh an dawn thuai a beisei a ni a ti bawh.

Minister chuan Serlui B thuam tha turin study team ten thawm that a ngaih dan an zirchiang tawh a ti a, siamthat ngai lian zual siamtha turin hun leh tha bakah cheng vbc tam tak a ngai dawn tih sawiin sorkar sum dinhmunin a zir loh avangin a theih angin hma an la mek a ti a, megawatt tam vak lo in an

kalpui mek tih sawiin nikum 2024 March thla thleng khan Lawngtlai district-ah kawlphehtha luh lohna, khua 48 awmin hma an la mek tih a sawi bawk.

Minister chuan tun dinhmuna Mizoramin kawlphehtha a intodelh theihna tura sorkar-in tuikhuah (Hydel Project) pathum a kalpui mek te thlen chin chu House a hrilh a, kumina zawh hman beisei a ni tih a sawi bawk a ni.

<><><>

MNF

MNF National Core Committee member Pu Lalchamlisan Assam Rifles sawn chhuah tur chungchangah Chief Minister in thu dik tawh lo a sawi a ni, a ti.

He thu hi wawin khan Aizawl Press Club ah chanchinbu mite hrilhin Pu Lalchamlisan chuan Assembly Budget Session neih mekah ni 10 khan Chief Minister Pu Lalduhoma chuan Assam Rifles te Aizawl khawpui laili atanga sawn chhuah tura sorkar hmasa hunlaia hmalakna kallaiah 'Home Dept nena Memorandum of Agreement an lo siam chu pawm tlakah an ngai lo a, a tharin an siam' tih a sawi chu thudik tawh lo a ni a ti a. Ngaihtuahna fim tak nena rim taka MoA lo buaipuitu Home Dept. official te thlenga tih mualpho tumna tha lo tak a ni bawh a. Thu dik famkim lo Chief Minister in a sawi leh mai thin hi a vanduaithlak hle a ni a ti.

Pu Lalchamlisan chuan MOA hmasa kha fimkhur leh uluk takin, sorkar dan engkim zawm chungin duan a ni, a ti a. Assam Rifles lamin ram luah zui beisei an neihte pawh Mizoram sorkarin a remtih loh dan leh AR ten an chhuahsan ngei a tul chhante pawh sorkar dan ang thlapin, felfai taka chhanlet nghal vek a ni , a ti a. Hetiang hi thil awmdan anih laiin Sorkar hmasain MOU a lo duanah Quarter Guard leh a chhak lam tlangte pawh AR te luah chhun zawmtir zel tura lo remti fel vek ang maia Chief Minister in Assembly House meuha a sawi chhuah duh chu a vanduaithlak hle a ni a ti bawh.

<><><>

MINISTER DEMAND

Assembly Session thutkhawm vaw 9-na chu wawin khan Speaker Pu Lalbiakzama kaihhruaina hnuaia chhunzawm a ni a, Minister pahni Pu K.Sapdanga leh Pu PC Vanlalruata te enkawl dept. enkawla sum hman tur chungchang sawihoa pass tum mek a ni.

Minister 2-te enkawl dept. hrang hrang sum mamawh wawina sawiho te chu – Home Minister Pu K.Sapdanga enkawl Personnel & Administrative Reforms sum hman tur cheng Vbch 4, Nuai 35, Sang 5; Home dept. tan cheng vbc 860, nuai 76, sing 5, Disaster management & Rehabilitation dept tan, cheng vbc 78, nuai 37, sing 3, sang 1, Urban Development & Poverty Allevation dept. cheng vbc 3,30, nuai 25, sing 9, sang 4, a wawin cheng vbc sang 1, 2,73, nuai 74, sing 8 leh Minister Pu PC Vanlalruata enkawl Agriculture & Farmer's Welfare sum hman tur cheng vbc 1,91, nuai 10, leh sing 7, Co-operation cheng vbc vbc 17, nuai 77, sing 2, sang 4 leh Irrigation & Water Resources cheng vbc sing 91, buai 26 leh sing 7, a wawin cheng vbc 300, nuai 14, sing 6, sang 4 te an ni.

Minister pahni te Demand hi House-ah pharh a nih hnua sawiho a ni a, chanchin thar buatsaih lai hian House member-te'n Minister-te 'Demand' hi pass tumin an sawiho mek a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

CADC VC ELECTION

State Election Commission ruahmanna hnuaiah vawiin khan Chakma Autonomous Distrrict Council ah Village Council inthlanpui neih a ni a, hriattheih chin ah Vote 74.19 a tla a, report dawnkim a nih hunah vote tlazat hi la danglam tura ngaih a ni.

Tukin zing dar 7 atangin mipui ten vote an thlaka, tlai dar 4 thleng Vote thlak theih hun hawn niin, tihtur tulte tihfel a nih hnuah Returning Officer te kaihhruaina hnuai ah Vote tlate chhiar nghal a ni a, inthlanna buaipututen an tihtur an tihfel hnu ah Lawngtlai an pankhawm nghal ang.

CADC huamchhungah hian Village Council - 88 awmin, General Seat 428 awmin, Reserved Seat 88 nen CADC ah hian VC Seat 516 a awm a, Candidates - 977 awmin heng zinga 826 chu General Seat niin, Reserved seat chuhtu 151 an awm a. Mipa vote nei 19,162 leh hmeichhia vote nei 18,721 awmin, a vaiin vote nei 37,883 an awm.

CADC a Village Council inthlanpui neih ah hian Village Council paruk ah chuhtu awmlovin BJP Candidate te an tling a, Village Council pakhat ah Reserved seat chu chuhtu awmlovin BJP Candidate in a la bawk.

<><><>

PRESIDENT

President Droupadi Murmu-I chuan mitin huap ram hmasawwna leh ngelnghet a awm theih nan mi hnuaihnnung leh rethei zawkte chawikan chu a pawimawh thu a sawi. Chandigarh-a Panjab University Convocation vawi 72-na a hmanpuinaah he thu hi sawiin President Murmu-i chuan zirlaite chu ram hmangaihna thinlung an put tlat a tul thu a sawi a. Zirlai hlawhtlingte a lawmpui thu sawiin rilru hrisel tak pu reng tura chahin tunlai thiamna technology chhuak tharte lo zir thiam ve zel tur leh hma huna harsatna hmachhawn thei tura lo inzir turin a chah a ni.

<><><>

PM

Prime Minister Narendra Modia leh Mauritius PM Navin Chandra Ramgoolam te vawiin khan an inkawm a. India leh Mauritius ten inremna tur thuthlung tam tak an ziaak.Hruaitu pahnihte inbiaknaah hian MoU 8 an ziaak a ni. Thuchhuah intawm an siamah PM Modia chuan Mauritius chu India tana thawhpui pawimawh tak anih thu sawiin khawvel chhim lamahte, Indian Ocean chhehvel leh Africa khawmualpui lama hmalaknaah an pawimawh hle tih a sawi a. Indian Ocean kaltlanga inzawm mai nilovin hnam ziarang leh nunphungah pawh an inzawmna a thuk hle tih a sawi a ni.

<><><>